



REPUBLIKA E SHQIPËRISË
KUVENDI
SEKRETARI I PËRGJITHSHËM

Nr. 384/ Prot.

Tiranë, më 31.01.2017

Lënda : Mbi procesin për shprehjen e interesit për anëtarë të Komisionit të Shoqërisë Civile

Drejtuar: Z.Igli TOTOZANI
Avokat i Popullit

TIRANË

I nderuar Z. Totozani,

Në shkresën tuaj, nr.15/1 Prot, datë 30.1.2017, drejtuar Kuvendit të Shqipërisë, informoni lidhur me ecurinë e procesit për shprehjen e interesit për anëtarë të Komisionit të Shoqërisë Civile që do të kryejë verifikimin paraprak të kandidaturave nga shoqëria civile për Këshillin e Lartë Gjyqësor dhe Këshillin e Lartë të Prokurorisë. Në përfundim të procedurës dhe të afateve ligjore të parashikuara në nenet 56 dhe 154 të ligjit 115/2016 "Për organet e qeverisjes së sistemit të drejtësisë", nga ana juaj është konstatuar se procedura e konstituimit të Komisionit të Shoqërisë Civile ka përfunduar pa asnjë rezultat për shkak të numrit të ulët të aplikimeve të paraqitura nga organizatat e shoqërisë civile, që nuk plotësojnë numrin minimal prej 5 organizatash që kërkon ligji.

Në këto kushte, duke vlerësuar rëndësinë që ka Komisioni i Shoqërisë Civile në procesin e përzgjedhjes dhe të vlerësimit të kandidatëve nga shoqëria civile, do të sugjeronim përsëritjen e procedurës për shprehjen e interesit për anëtarë të këtij komisioni.

Nisur nga parashikimet e pikës 10 të nenit 56 dhe të pikës 10 të nenit 154 të ligjit 115/2016 "Për organet e qeverisjes së sistemit të drejtësisë", thirrja duhet të publikohet në faqen zyrtare të Avokatit të Popullit dhe në një nga gazetat me tirazhin më të lartë, si dhe njoftimi t'u dërgohet të gjitha organizatave të shoqërisë civile në adresat e elektronike të tyre zyrtare. Thirrja për shprehjen e interesit do të publikohet njëkohësisht dhe në faqen zyrtare të Kuvendit të Shqipërisë.

Shprehja e interesit duhet të bëhet sipas procedurave dhe afateve të parashikuara në ligjin 115/2016 "Për organet e qeverisjes së sistemit të drejtësisë", si dhe duhet të përmbajë dokumentacionin përkatës që vërteton plotësimin e kriterëve nga organizatat e shoqërisë civile.

Gjithsesi, referuar sa më sipër, ecuria e mëtejshme e procesit mbetet në vlerësimin e institucionit tuaj, si organ i ngarkuar nga ligji që gjatë ushtrimit të funksioneve ka jo vetëm detyrimin të zbatojë ligjin, por edhe të drejtën ta interpretojë atë, siç është shprehur edhe Gjykata Kushtetuese në vendimin e saj nr.11/2014.

Duke Ju falënderuar për bashkëpunimin,

Albana SHTYLLA
SEKRETARE E PËRGJITHSHME

